

Broj: 03-02-01-752/25
Sarajevo, 8.12.2025. godine

BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BiH
DOM NARODA
n/r gđa Aida Hadžić-Salkić, sekretar
n/r gđa Marijela Hašimbegović, delegat

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno:		23-12-2025	
Org. jed.	Broj	Priloga	Vrijednost
05/2	- 02 -	661	/25

VLADA FEDERACIJE BOSNE I HERCEGOVINE
n/r Edita Kalajdžić, sekretar

Predmet: Odgovor na delegatsko pitanje, - dostavlja se.

Veza: Akt sekretara Doma naroda Parlamenta Federacije Bosne i Hercegovine, broj: 05/2-02-661;662/25 od 5.11.2025. godine i akt sekretara Vlade Federacije BiH, broj: 03-04-1868-1/2025 od 11.11.2025. godine.

Poštovane,

Aktima broj i datum veze, Federalnom ministarstvu prostornog uređenja je dostavljeno delegatsko pitanje koje je uputila Marijela Hašimbegović, delegat u Domu naroda Parlamenta Federacije Bosne i Hercegovine.

Pitanje je dostavljeno u formi inicijative za stavljanje van snage Pravilnika o izmjenama i dopunama pravilnika o geotehničkim istraživanjima i ispitivanjima te organizaciji i sadržaju misija geotehničkog inženjerstva („Službene novine Federacije BiH“, br. 80/15), sa obrazloženjem da su izmjene i dopune pravilnika omogućile značajno uvećanje troškova projekata na štetu investitora, prvestveno Vlade Federacije Bosne i Hercegovine i J.P. Autoceste FBiH d.o.o. Mostar, te da su u konačnici svi naknadni troškovi prebačeni na teret investitora.

U vezi sa navedenim, informišemo Vas kako slijedi:

- Pravilnikom o geotehničkim istraživanjima i ispitivanjima te organizaciji i sadržaju misija geotehničkog inženjerstva („Službene novine Federacije BiH“, broj 60/09, 80/15 i 73/21, u daljnjem tekstu: Pravilnik), propisuje se sljedeće:
 - geotehnička istraživanja i ispitivanja,
 - minimalan program geotehničkih istraživanja i ispitivanja zavisno od vrste građevine odnosno zahvata,
 - način dokumentiranja rezultata geotehničkih istraživanja i ispitivanja,
 - organizacija i sadržaj misija geotehničkog inženjerstva,
 - uvjeti za obavljanje poslova geotehničkih istraživanja i ispitivanja i davanje ovlaštenja za realizaciju misija geotehničkog inženjerstva u

odnosu na lica, tehničku opremljenost, način i složenost obavljanja tih poslova,

- odgovornost za rezultate misija geotehničkog inženjerstva i nezavisnost lica odgovornih za realizaciju misija geotehničkog inženjerstva u odnosu na lica koja učestvuju u projektovanju, građenju ili održavanju građevine.
- Odredbama člana 4) stav (1) Pravilnika propisano je da se geotehnička istraživanja i ispitivanja tla vrše prije početka i u svim etapama izrade tehničke dokumentacije na osnovu koje se gradi građevina odnosno dio građevine, a u sklopu misija geotehničkog inženjerstva.
- Odredbama člana 7) Pravilnika propisano je, pripremna geotehnička studija ostvaruje se u fazi izrade idejnog rješenja i/ili idejnog projekta i omogućuje prvu identifikaciju geotehničkih rizika lokacije. Misija G1 podrazumijeva analizu rezultata postojećih istraživanja i elaboraciju pretpostavki o geotehničkom kontekstu terena, utvrđivanje postojanja susjednih objekata koji se mogu ugroziti izgradnjom, te uključuje obaveznu posjetu lokacije i njene okoline. Za realizaciju misije G1 odgovoran je investitor.
- Odredbama člana 8. Pravilnika propisano je:
 - U sklopu izrade glavnog projekta, misija geotehničkog inženjerstva ima za cilj izradu geotehničkog projekta odnosno geotehničkog dijela glavnog projekta (u daljem tekstu misija G21).
 - Druga geotehnička etapa uključuje i Stručno savjetovanje investitora za pripremu tenderske dokumentacije i ocjenjivanje tehničkog dijela ponuda (u daljem tekstu misija G22).
 - Cilj misije G22 je pružanje stručne podrške investitoru kako bi se adekvatno ocjenile tehničke ponude izvođača i markirali izvođači čija ponuda omogućava izvođenje geotehničke konstrukcije prema glavnom projektu. Troškove misije G22 snosi investitor, a misija G22 može činiti sastavni dio misije projektanta.
 - Revizija geotehničkog projekta (u daljnjem tekstu: misija G23) ima za cilj revidovanje geotehničkog projekta.
- Odredbama člana 9. Pravilnika, propisano je:
 - U etapi izvođenja radova paralelno se odvijaju misije geotehničkog inženjerstva za koje su odgovorni izvođač i investitor.
 - Izvođač je dužan osigurati, u skladu sa ovim Pravilnikom, geotehničku izvedbenu studiju (u daljnjem tekstu: misija G31) i praćenje geotehničkih radova (u daljnjem tekstu: misija G32) koje su interaktivne i nerazdvojive.
 - Investitor je dužan osigurati reviziju geotehničke izvedbene studije (u daljnjem tekstu: misija G41) iz stava (2) ovog člana i nadzor geotehničkih radova (u daljnjem tekstu: misija G42) u cilju provjere valjanosti misija G31 i G32. Geotehničke misije G41 i G42 investitor može povjeriti nadzornom organu koji ispunjava uvjete propisane ovim Pravilnikom.
 - U slučaju da revizija geotehničke izvedbene studije (misija G41) i nadzor geotehničkih radova (misija G42) iz stava (3) utvrdi da postoji potreba promjene geotehničkih konstrukcija investitor je dužan osigurati adaptaciju i/ili optimizaciju glavnog projekta stvarnim uvjetima terena.
- Odredbama člana 62. Pravilnika propisano je:
 - Misije geotehničkog inženjerstva može obavljati samo pravno lice koje posjeduje ovlaštenje Federalnog ministarstva prostornog uređenja za obavljanje poslova izrade geotehničkih projekata.

- Pravno lice može povjeriti izvođenje geotehničkih istraživanja in situ i laboratorijskih geotehničkih ispitivanja samo pravnom licu koje posjeduje ovlaštenje Ministarstva za obavljanje tih poslova.
- Sukladno odredbama Pravilnika troškove misija geotehničkog inženjerstva (G21, G22, G23) snosi investitor.

Ovim putem vas obavještavamo da Federalno ministarstvo stoji kod gore spomenutog Pravilnika, jer smatra da su odredbe vezane za izmjenu Pravilnika opravdane, s obzirom da svi sudionici u građenju ravnopravno preuzimaju odgovornost za primjenu najboljih projektantskih i izvođačkih praksi.

S poštovanjem,



Dostaviti:

1. naslovu,
2. A./a.